

Revisorkommissionip suleriaasaa pillugu Kalaallit Nunaannut nalunaarut

Naatsorsuutini kukkuniuisut naalagaaffimmit akuerisaasut aamma nalunaarsorneqarsimasut pillugit inatsimmi, Kalaallit Nunaannut Kunngip peqqussutaa nr. 623, 23. juni 2008-mi atuutilersinneqartoq, § 9, imm. 1 naapertorlugu aalajangerneqarpoq:

Kapitali 1

Revisorkommissionip piginnaassuseqassusaa aamma aaqqissuuneqarnera

§ 1. Revisorkommissionip allaffissornikkut aqutsissuppai Erhvervs- og Selskabstyrelsi naatsorsuutini kukkuniuisut naalagaaffimmit akuerisaasut aamma nalunaarsorneqarsimasunik pillugit inatsimmi, Kalaallit Nunaannut Kunngip peqqussutaatigut atuutilersinneqartoq.

Imm. 2. Kommissioni inuttaqarpoq siulittaasoq 1 aamma ilaasortat allat 10. Ilaasortat 3-t kukkuniuisuussapput naalagaaffimmit akuerisaasut, 2-t kukkuniuisut nalunaarsorneqarsimasut, 2-t niuernerimik ilisimasallit aamma 3-t akileraaruserinermi inatsisinut, pigisanik aalajangersaanermi inatsisinut aamma nunami aningaasaqarnermut tunngasuni immikkut ilisimasallit. Siulittaasoq, niuernerimik ilisimasallit imaluunniit suliamut immikkut ilisimasallit ukiuni kingullerni 3-ni kukkuniuisut naalagaaffimmit akuerisaasimasuussanngillat imaluunniit nalunaarsorneqarsimasuussanngillat imaluunniit kukkuniuinerimik ingerlatsivimmi sulisuusimassanatik imaluunniit kukkuniuisunik naalagaaffimmit akuerisaasunik aamma nalunaarsorneqarsimasunik peqateqarlutik kukkuniuinerimik ingerlatsiveqarsimassanatik.

§ 2. Kommissioni kukkuniuisunik naalagaaffimmit akuerisaasunik aamma nalunaarsorneqarsimasunik soraarummeersitsissaaq tassungaluni piareersaalluni Erhvervs- og Selskabstyrelsi tamatumunnga nalunaarusiaani aalajangersakkat naapertorlugit. Angusanut tunniunneqarsimasunut (karakterit) immikkut allattaaveqassaaq.

Imm. 2. Kommissioni kukkuniuisunut naalagaaffimmit akuerisaasunut aamma nalunaarsorneqarsimasunut soraarummeersitsinerup aaqqissuunneqarnissaanut kommissionimik pilersitsissaaq.

Kapitali 2

Kommissionip suliaasaanik aaqqissuusineq

§ 3. Siulittaasoq Revisorkommissionip suliaani aaqqissuusissaaq aamma kommissionip ataatsimiinnerani isumaqatigiinniarnernik aqutsisuusaaq. Siulittaasup aalajangersinnaavaa, suliat allakkatigut suliarineqartarnissaat.

Imm. 2. Siulittaasup nakkutigissavaa, suliat, kommissionimut saqqummiunneqartut, naleqquttumik sukkassuseqartumik suliarineqarnissaat.

§ 4. Kommissionip ataatsimiinnerinut piffissaaq piffillu siulittaasumit aalajangerneqassapput, ataatsimiinnernut aggersaanissamik isumaginnittussaasuusoq. Aggersaaneq pissaaq sapinngisamik

sapaatip akunnera sioqqullugu nalunaarnerutigalugu aamma nalunaarlugu, suliat sorliit ataatsimiinnermi suliarineqassanersut.

Imm. 2. Ilaasortat, ataatsimiinnermut takkussinnaanngitsut, tamanna pillugu nalunaaruteqassapput.

Imm. 3. Aalajangiinerup pisinnaanissaanut, ikinnerpaamik ilaasortat 6-it najuutissapput, taakkunanga ikinnerpaamik siulittaasuusalluni, niuerneramik ilisimasaqartuusallutik imaluunniit suliamut immikkut ilisimasaliussallutik.

Imm. 4. Aalajangiineq pissaaq nalinginnaasumik taasinermi amerlanerussuteqarnikkut. Taasinerit amerlaqatigiissagaluarpata siulittaasup taasinera aalajangiisuusaaq.

§ 5. Siulittaasup nakkutigissavaa, ataatsimiinnerit naalisarlugit allaaserineqarnissaat, aamma kommissionip aalajangiinerisa suliarineqartarnissaat. Kommissioni sinnerlugu siulittaasoq atsiussaaq. Ikinnerussuteqarsimasinnaasut piumasarisinnaavaat oqaaseqaatimik kommissionip innersuussutaani imaluunniit oqaaseqaataani allanneqarnissaat.

§ 6. Kommissionip allaffissugassaatai suliarineqassapput allattoqarfimmit najugalik: Erhvervs- og Selskabstyrelsen, Kampmannsgade 1, 1780 København V.

§ 7. Nalunaarut atuutilerpoq ulloq 1. august 2008.

Erhvervs- og Selskabstyrelsen, ulloq 28. juli 2008

OLE BLÖNDAL

/Grethe Krogh Jensen